

**KANTON SARAJEVO  
MINISTARSTVO KULTURE I SPORTA  
JAVNA USTANOVA "KAMERNI TEATAR 55 SARAJEVO"**

**PRAVILNIK  
O VRSTAMA VLASTITIH JAVNIH PRIHODA U  
JAVNOJ USTANOVI KAMERNI TEATAR 55**

**Sarajevo, avgust 2023. godina**

Na osnovu člana 27. stav 1. alineja 6. Zakona o ustanovama ("Službeni list RBiH", broj: 6/92, 8/93 i 13/94), člana 9. Pravilnika o vrstama vlastitih javnih prihoda u FBiH ("Službene novine FBiH", broj: 104/22) i člana 37. stav (1) tačka g) Pravila Javne ustanove "Kamerni teatar 55 Sarajevo", (broj: 836/23 od 04.09.2008. godine, 10-UO/12 od 29.03.2012. godine, 39-UO/13 od 21.10.2013. godine, 127-UO/19 od 13.11.2019. godine i 91/23 od 18.01.2023. godine), Upravni odbor Javne ustanove "Kamerni teatar 55 Sarajevo" na sjednici održanoj dana 24.08.2023. godine donio je:

## **P R A V I L N I K**

### **O VRSTAMA VLASTITIH JAVNIH PRIHODA U JAVNOJ USTANOVI KAMERNI TEATAR 55**

#### **I - OSNOVNE ODREDBE**

##### **Član 1. (Predmet)**

Pravilnikom o vrstama vlastitih javnih prihoda u Javnoj ustanovi "Kamerni teatar 55" (u daljem tekstu: Pravilnik), propisuju se vrste javnih prihoda, te način, rokovi i uslovi za njihovu raspodjelu u Javnoj ustanovi "Kamerni teatar 55 Sarajevo" (u daljem tekstu: Teatar).

#### **II – KRITERIJI ZA UTVRĐIVANJE VLASTITIH JAVNIH PRIHODA**

##### **Član 2. (Kriteriji)**

- (1) Kriteriji za utvrđivanje vlastitih javnih prihoda su da:
- a) prihod ne spada u smislu ovog pravilnika u kategoriju poreza, doprinosa, taksi, naknada i kazni;
  - b) prihod nije kao javni prihod propisan posebnom odredbom u zakonu;
  - c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt;
  - d) prihod se ostvaruje obavljanjem aktivnosti na tržištu i u tržišnim uslovima od strane Teatra, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i uređenju djelokruga rada Teatra.

- (2) Kriteriji iz stava (1) tač. a), b) i d) ovog člana primjenjuju se na kumulativnoj osnovi za utvrđivanje javnih prihoda Teatra, utvrđuje se njihov djelokrug rada, organizacija i funkcionisanje.
- (3) Kriteriji iz stava (1) tač. a) do c) ovog člana primjenjuju se na kumulativnoj osnovi za utvrđivanje javnih prihoda Teatra i nisu obuhvaćeni stavom (2) ovog člana.

**Član 3.**  
**(Vrste javnih prihoda od iznajmljivanja)**

Javni prihodi koji se ostvaruju po osnovu aktivnosti iznajmljivanja smatraju se vlastitim javnim prihodima ukoliko zadovoljavaju kriterije iz člana 2. ovog pravilnika, a odnose se na:

- a) 722642 - Vlastiti prihodi od iznajmljivanja poslovnog prostora i
- b) 722645 - Vlastiti prihodi od iznajmljivanja opreme.

**Član 4.**  
**(Vrste vlastitih javnih prihoda)**

- (1) Javni prihodi koji se ostvaruju prodajom proizvoda, roba i usluga smatraju se vlastitim javnim prihodima ukoliko zadovoljavaju kriterije iz člana 2. ovog pravilnika.
- (2) Vlastiti javni prihodi Teatra su:
  - a) 722651 - Vlastiti javni prihodi od prodaje usluga, pristupa i korištenja (ulaznice),
  - b) 722654 - Vlastiti javni prihodi od oglašavanja proizvoda i usluga,
  - c) 722655 - Vlastiti javni prihodi od distribucije i prodaje pisanih foto i video publikacija i materijala, obrazaca
  - d) 722659 - Vlastiti javni prihodi od ostalih aktivnosti (gostovanja u zemlji i inostranstvu).

**III – PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA**

**Član 5.**  
**(Planiranje i raspolaganje vlastitim javnim prihodima)**

- (1) Planiranje i raspolaganje vlastitim javnim prihodima, kao i nadzor nad istim vrši se u skladu sa zakonom o budžetima u Federaciji Bosne i Hercegovine ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 22a/22), propisima koji uređuju računovodstvene politike za budžetske korisnike, propisima koji uređuju način plaćanja i trošenja vlastitih javnih prihoda i ovim pravilnikom.
- (2) Vlastiti javni prihodi moraju biti planirani u budžetu odnosno finansijskom planu Teatra.
- (3) Teatar je dužan na osnovu planiranih vlastitih javnih prihoda, planirati i rashode koje će pokriti iz tih prihoda.

- (4) Vlastiti javni prihodi, iz člana 3. i 4. ovog Pravilnika, koriste se prioritarno za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak se raspoređuje na tekuće i kapitalne izdatke.

**Član 6.**  
**(Uplata javnih prihoda)**

- (1) Vlastiti javni prihodi uplaćuju se na depozitne račune javnih prihoda u skladu sa propisima kojim se uređuje način uplate javnih prihoda budžeta i vanbudžetskih fondova na teritoriji Federacije BiH.
- (2) Teatar je odgovoran za blagovremenu naplatu potraživanja po osnovu vlastitih javnih prihoda, kao i poduzimanje svih mjera za njihovu realizaciju.
- (3) Naplaćena sredstva na ime vlastitih javnih prihoda koja su ostvarena gotovinskim plaćanjem i za koje ne postoji mogućnost bezgotovinskog plaćanja evidentiraju se i uplaćuju na depozitni račun najkasnije sljedeći radni dan po prijemu uplate (prodaja ulaznica i slično).
- (4) Zabranjeno je evidentiranje i plaćanje vlastitih javnih prihoda na bilo koji način koji je u suprotnosti sa odredbama ovog pravilnika.

**IV- ZAVRŠNE ODREDBE**

**Član 7.**  
**(Stupanje na snagu Pravilnika)**

- (1) Na ovaj pravilnik mišljenje daje Ministarstvo finansija Kantona Sarajevo i Ministarstvo kulture i sporta Kantona Sarajevo, te nakon dobivenog pozitivnog mišljenja oba ministarstva pravilnik se dostavlja na saglasnost Vladi Kantona Sarajevo, a primjenjivat će se od 01.01.2024. godine.
- (2) Pravilnik će se objaviti na web stranici Javne ustanove "Kamerni teatar 55", oglasnoj ploči Javne ustanove "Kamerni teatar 55" i u "Službenim novinama Kantona Sarajevo".

Broj: 1763-1/23

Predsjednik Upravnog odbora

Datum, 24.08.2023. godine

Adis Bakrač

